

I A P O N I N S V L A.



Nsula ab ortu Chi-
nensi regno obja-
cent innumeræ, adeo
ut merito orbem in-
sularum dicere quis
possit. Inter eas duæ
sunt insigniores, Co-
rea, incolis Caoli, &
multo nobilior Iap-
pon. Iacet ab Equato-

Magnitu-
do.
Situs.

Aer.

Locus P.
Veneti de
Iaponia
quam Zi-
pangri vo-
cant.

tore in Arctum protensa à trigésimo gradu ad
trigesimum ferè octavum. Ab Oriente obver-
sa est Americæ, ab Occidente Sinas respicit, à
Septentrione Scythas, Tartarosque; à Meri-
die vastum mare. Saluberrima hic est cœli tem-
peries, quamvis insula frigori nivibusque valde
obnoxia est, nec admodum ferax. Mense Se-
ptembri orizam, nonnullis etiam in locis Majo-
mense triticum metunt, neque ex eo panem, uti
nos, conficiunt, sed genus quoddam offæ seu
polentæ. Incolæ è terræ visceribus varii gene-
ris metalla eruunt. Estq; hæc insula in tantum au-
ri ferax, ut M. Paulus Venetus testetur, suo tem-
pore palatium regium aureis laminis tectum
fuisse, haud aliter, quam apud suos magnæ do-
mus plumbo vel cupro operiuntur. Arbores vel
ad amœnitatem vel ad fructum fert haud absi-
miles nostris. Idem P. Venetus eam suo tempo-
re Zipangri vocatam ait: operæ precium est ad-
scribere ejus verba: Zipangri insula in alto mari si-
ta, distat à littore Mangi per mille milliaria atque quin-
genta, & est magna valde. Habitatores ejus albi sunt, &
decentis staturæ, idola colentes, & proprium habentes re-
gem, nulli tributarii. Est ibi aurum in maxima copia, sed
Rex non sinit illud extra insulam facile portari: & hæc
causa est, quod pauci mercatores ad illam concedant pro-
vinciam. Rex insula palatium habet magnificum, cujus
tectum aureis operitur bracteis, non secus quam apud
nos magnæ domus plumbo vel cupro operiuntur. Superfi-
cies quoque superior aularum & conclavium aureis lami-
nis dicitur tecta. Inveniuntur illic margaritæ in magna
copia, rotundæ & crassæ rubei coloris, quæ albas in precio
& valore longe præcellunt. Sunt quoque ibi alii lapides
preciosi, qui una cum auro insulam ditissimam reddunt.
& paulo post: Colunt viri Zipangri varia idola, quo-
rum quedam habent caput bovis, quedam caput porci,
& quedam caput canis, atque aliorum diversorum ani-
malium. Sunt etiam quedam, quæ habent quatuor facies
in capite: alia tria capita, unum super collum, & duo
alia super utrumque humerum. Sunt rursum quedam
quæ quatuor habent manus, alia viginti, & alia centum.
Et quod plures habuerit manus, majoris putatur verita-
tis. Et quum incolæ interrogantur, unde hanc habeant
traditionem, respondere solent, se patres suos in hoc imi-
tari, nec aliud credere debere, quam quod ab illis accepe-
runt. Est etiam hæc consuetudo apud Zipangrios, quando
hominem extraneum capiunt, si ille se potest pecunia re-
dimere, dimittunt eum: si autem precium non habet, quo
se liberet, occidunt illum, & coctum devorant, convocan-
tes ad convivium illud consanguineos & amicos quosque.
Hæc Venetus. Plurima variis locis crescit ce-
drus, tantæ proceritatis, ut fabri inde Basilica-
rum columnas, & maximarum navium malos
efficiant. Ex animalium genere oves, porcum,
gallinam, anserem, foedaque aliâ animantia do-
mi Iapones non alunt.

Parebant quondam Iapones omnes uni Im-
peratori, cui titulus Vo, seu Dair, donec is diu-
turna pace in delicias atque socordiam resolu-
tus, præfectis ac satrapis, ac præcipue Cubis (sic
enim duo primarii vocabantur, quorum alter
deinde extinxit alterum) contemptui cœpit ef-
se. Summus vero & potentissimus Iaponios in-
ter habetur, quisquis Meacum & huic finitima
regna (quem tractum communi nomine Tensam
nuncupant) armis atque arcibus occupavit. Ea
loca ante aliquot annos obtinebat Nobunanga ty-
rannus. Hujus in locum à conjuratis interem-
pti, successit è ducum numero præcipuus Faxi-
ba. Post Taicosima sive Taico monarcha fuit Ia-
ponia.

Imperium.

Metropolis regni insulæque est Meacum, ci-
vitas grandis, sed nunc bellis intestinis insula-
norum attrita, vastataque tertia parte minor
est. In hac summus magistratus Iaponiæ mora-
tur, tribus viris constans. Sunt & aliæ urbes, Of-
sacai, omnium, ut putant quidam, totius Ori-
entis opulentissima: Bungum, in qua Christiano-
rum magnus est numerus. Coja, Bonfio cuiusdam sa-
cra, quem Combodassi vocant, in qua urbe Prin-
cipes sepeliuntur, aut si alibi, saltem huc den-
tem unum mittunt sepeliendum, ob loci vene-
rationem: Fiongo urbs decem & octo leucis Mea-
co distans, quæ Nobunangæ tempore majorem
in partem devastata fuit. Amangasagui, Vosagui,
Funaium, Tonsa, aliæque. Portus hic plurimi, inter
quos Ochinosamanus, in quo magnus navium nu-
merus stat. Montes hic visuntur duo nobiliores,
quorum unus flammam evomit; alter Figenoiama
dictus spectatæ altitudinis est, adeo ut etiam
ipsas nubes leucarum aliquot intervallo superet.
Magnifica exstruunt templa & cœnobita. Taico
iste, de quo supra, præter alia exstrui curavit au-
lam mille Catamis (storeæ elegantissimæ genus
est) operatam cum suis fimbriis damascenis, ho-
lofericis, aureis: quælibet autem harum storea-
rum octo palmos longa, quatuor lata est. Hæc
aula è ligno preciosissimo ædificata est, tanto-
que

Urbes.

G

que